

Fréttatilkynning til Kauphallar Íslands:

Árshlutareikningur RARIK fyrstu sex mánuði ársins 2023.

Rekstrarhagnaður af starfsemi RARIK fyrir fjármagnsliði (EBIT) á fyrri hluta ársins 2023 nam 916 milljónum króna en var 934 milljónir króna á fyrri helmingi ársins 2022.

Fjármagnsliðir voru neikvæðir um 914 milljónir króna á tímabilinu en þeir voru neikvæðir um 1.250 milljónir króna á fyrri hluta ársins 2022. Fjármagnstekjur jukust úr 84 milljónum króna í 758 milljónir króna milli ára, sem skýrist af auknum fjármagnstekjum vegna skuldabréfaeignar, en fjármagnsgjöld jukust úr 1.334 milljónum króna í 1.672 milljónir króna.

Vegna sölu á eignarhlut RARIK í Landsneti hf. á árinu 2022 eru engin reiknuð áhrif hlutdeildarfélags á árinu 2023. Áhrif hlutdeildarfélagsins Landsnets voru hins vegar jákvæð um 567 milljónir króna á fyrri helmingi ársins 2022.

Samkvæmt rekstrarreikningi nam hagnaður tímabilsins 2 milljónum króna samanborið við 314 milljónir króna á sama tímabili 2022.

Rekstrarhagnaður fyrir afskriftir, fjármagnsliði og skatta (EBITDA) var 2.471 milljón króna, samanborið við 2.318 milljónir króna árið áður.

Hreint veltufé frá rekstri, fyrir vexti og skatta, var 2.385 milljónir króna samanborið við 2.277 milljónir króna á sama tímabili árið 2022.

Eignir RARIK samkvæmt efnahagsreikningi 30. júní 2023 voru 90.398 milljónir króna en skuldir 34.921 milljón króna. Eigið fé félagsins var því 55.477 milljónir króna og eiginfjárhlutfallið um 61% og lækkaði lítillega á tímabilinu.

Fjárfestingar á árinu 2023 eru áætlaðar um 7,6 milljarðar króna en fjárfestingar fyrstu sex mánuði ársins námu um 2,4 milljörðum króna.

Gert er ráð fyrir að rekstur RARIK á árinu 2023 fyrir fjármagnsliði verði sambærilegur á seinni helmingi ársins en heildarafkoma ársins ræðst að verulegu leyti af þróun verðlags sem hefur áhrif á fjármagnsliði samstæðunnar.

Árshlutareikningur RARIK ohf. er gerður samkvæmt alþjóðlegum reikningsskilastöðlum.

Helstu stærðir samstæðureikningsins eru sýndar í meðfylgjandi töflu.

Helstu stærðir samstæðureiknings RARIK, fjárhæðir eru í milljónum króna.

	Jan-jún 2023	Jan-jún 2022	Jan-jún 2021	Jan-jún 2020	Jan-jún 2019
Rekstartekjur	10.005	8.630	8.207	8.170	8.365
Rekstrargjöld	9.089	7.636	7.100	7.131	6.749
Rekstrarhagnaður	916	934	1.107	1.039	1.616
Hrein fjármagnsgjöld	-914	-1.250	-687	-1.014	-735
Áhrif hlutdeildarfélags	0	567	467	404	538
Hagnaður fyrir skatta	2	251	887	429	1.419
Tekjuskattur	0	63	-84	-5	-176
Hagnaður	2	314	803	424	1.243
Eignir samtals	90.398	83.539	77.919	69.450	67.530
Eigið fé	55.477	54.044	49.876	45.894	42.732
Skuldir	34.921	29.495	28.043	23.556	24.798
Handbært fé frá rekstri	313	1.520	1.020	1.423	1.790
Greidd vaxtagjöld	490	383	369	346	366
EBITDA	2.471	2.318	2.453	2.256	2.715
Vaxtaþekja	5,0	6,1	6,6	6,5	7,4
Eiginfjárlutfall	61,4%	64,7%	64,0%	66,1%	63,3%

Árshlutareikningur RARIK fyrir tímabilið 1. janúar til 30. júní 2023 var samþykktur á fundi stjórnar þann 24. ágúst 2023. Árshlutareikningurinn er hvorki endurskoðaður né kannaður af endurskoðendum félagsins.

Nánari upplýsingar veitir Magnús Þór Ásmundsson, forstjóri RARIK í síma 528-9000.